

# Kontuola

ANTZUOLA / Egubakoitza / 2002ko irailaren 13a / 125. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

## Bi futbol talde bakarrik izango ditugu aurten

AINTZANE IRIZAR

Laster hasiko da futbol denboraldia, eta horixe izango da aurtengo denboraldiko berri garrantzitsuena, bi futbol talde bakarrik izango ditugula herrian; izan ere, kadete mailako talderik ez dute atera, ezta nesken talderik ere, jendea falta zutela eta.

Gazteen taldea eta erregionaleko bigarren mailakoa bakarrik izango ditugu herrian hastera doan futbol denboraldi berrian. Iaz lau talde aritu ziren Gipuzkoako futbol ligan. Aurten, baina, taldea osatzeko jendea falta zitzaiela eta, ez da egongo nesken eta kadeteen talderik.

### ERREGIONALEK, ENTRENATZAILE BERRIA

Erregionaleko bigarren mailako taldeak entrenatzaile berria dauka. Abuztuaren 26an hasi zituzten entrenamenduak David López de Abetxuko bergararrarekin, eta bere laguntzaile Igor Larrea-rekin. Orain arte izan duten entrenatzailea, Andoni Azkargorta, Bergarako erregional mailako taldea entrenatzen hasi da.

Oraingoz, 22 jokalarik osatzen dute taldea, Davidek adierazi digunez; honako hauek, hain zuzen ere: Jon Arregi (atezaina), Iker Irizar, Ieltxu Mendizabal, Unai Gezalaga, Gurutz Zabaló, Samuel Cuevas, Eneko Iturbe, Ibai Azkarate, Jabi Peñalba, Jon Iturbe, Josu Segurola, Luis Herzog, Jon Aranguren, Aitor Gabi-



Aurten ez dugu nesken talderik izango, ezta kadeteen talderik ere.

londo, Eneko Zabaleta eta Jokin Beristain. Gorka Iglesias, Gotzon Zabalo, Jon Pagaldai, Raúl Coma eta Jon Alberdi bergararrak, berriz, lehen aldiz jokatu dute talde erregionalean.

### GAZTEEN TALDEAN ERE HAINBAT ALDAKETA

Entrenatzaile berria izango dute gazteek ere; oraingoz, Andres Arbulu hasi da lan horretan.

Honako hauek osatzen dute taldea: Ekaitz Olalde, Josu Asen-

sio, Mikel Idiakez, Jon Ander Castro, Luis Franco, Ortz Urriategi, Egoitz Mendia, Xiker Iparagirre, Aritz Elorza, Aritz Sardi, Kepa Igarza, Ibon Urzelai, Endika Iturbe, Iñaki Arbulu, Aitor Godoy, Jon Gurutz Godoy, Odei Aranguren, Ander Cabrera, Dani García eta Aitor Elgero bergararrak, hain zuzen ere.

Irailaren 22ko astebukaera hasiko dute denboraldia, bai erregionalek eta baita gazteek ere.



### Gerbasiori aipamen berezia

Donostiako Aste Nagusian ospatutako txistularien jaialdian, abuztuaren 11n, aipamen berezia egin zieten Euskal Herriko hainbat txistulari, tartean, baita Gerbasio Legorbururi ere. Duela hilabete batzuk Euskal Herriko Txistulari Elkarteak Urduñan egindako batzar orokorrean Gerbasiori urrezko domina ematea erabaki zuten. Hori dela eta, aipamen berezia egin zioten Donostian. Domina emateko ekitaldia, berriz, udaberrian egingo dute Antzuolan bertan./A.I.

### LABUR

### Erretiratuen elkarteak irteera antolatu du Biasterira datorren irailaren 19rako

09:00etan irtengo dira herriko plazatik eta Biasterira abiatuko dira. Han upelategi bat bisitatu ondoren, Biasteri herria bera bisitatzeko aukera ere izango dute. Marixa-Rioja jatetxean bazkalduko dute. Irteera horretara joan nahi dutenek 23 euro ordaindu behar dituzte eta hilaren 16an eta 17an dute izena emateko aukera, 18:00etatik 19:00etara, erretiratuen egoitzan.



INDUSTRI MANTENIMENDUA

Jose  
Gomez  
Abad

Errekalde 6, 4-B.  
Antzuola  
943 76 60 19  
943 76 60 43  
Faxa:  
943 76 60 19



Jose Luis Zabalo

Birgaitzeak • Fatxadak  
Teilatuak  
Sukalde eta bainu gelak

Kalegoi 9, 1a., ANTZUOLA.  
Tf. 943 76 60 89

ANTZUOLA  
Apainketak eta  
isolamenduak  
Pladurrezko dibisioak

Kalegoi 21 ANTZUOLA  
676 997 400  
Biltegia: 943 78 70 40

AITZ-GARBI



Pintxoak eta  
kazuelatxoak.  
Bazkariak eta afariak

Kalebarren 15. Tf. 943 78 70 51  
ANTZUOLA

ELKARRIZKETA

ANASTASI GABILONDO/HERRI IKASTETXEKO IRAKASLE IZANDAKO

*“Umeeekiko harremana oso polita eta aberasgarria izan da niretako”*

**E**rretiratu berri da Anastasi. Joan den astelehenean, umeak eskolan hasten ziren egunean, hain justu, joan ginen Anastasi-rekin berba egitera. Horrenbeste urte irakasle izan ondoren, egun berezia zen harendako.

Zenbat urte egin dituzu irakasle?

Lehenengo ikastolan hasi nintzen eta gero, herri eskola eta ikastola bateratu zirenean ere irakasle jarraitu nuen; guztira, hogeita bost urte egin ditut irakasle.

Hortaz, zilarrezko ezteiekin batera erretiratu zara. Biak ospatzeko moduan zaude.

Bada, bai; biak batera suertatu dira.

Zela gogoratzen dituzu hasierako urte haiek?

Esan bezala, ni ikastolako irakasle hasi nintzen; froga batzuk egin zituzten, aurkeztu nintzen eta hartu egin ninduten. Gero, ikastola eta herri eskola bateratu egin ziren, eta han jarraitu nuen. Hasiara hartako oroitzapen onak ditut; eta baita gainerako urtetakoak ere. Niretako oso aberasgarria da irakaskuntza. Gustuko lana izan duzu, hortaz.

Bai; umeeekiko harremana oso polita eta aberasgarria da niretako. Badirudi umeeek ez dakitela ezer, jende askok horrela pentsatzen du, baina ez hori ez da zuzena. Umeeek gauza asko dakite, gauza mordo bat eskaintzen dizute. Adibidez, beragana iris-tea zaila egiten zaizun ume bat baldin badaukazu, pentsatu arazi egiten dizu horrek; buruari buelta asko ematen dizkiozu, beragana iristeko bide berriak bilatu, lankideekin komentatu... Ume bakoitza mundu bat da, eta gainera, oso aberatsa. Horrenbeste urte umeeekin lanean, dagoeneko dena jakingo duzu umeen gainean.




AINTZANE IRIZAR

*“Hezkuntzaren esparruan beti dago zerbait ikasteko, etengabe ari zara ikasten”*

Ezta pentsatu ere; irakaskuntzan, edo hezkuntza munduan, beti dago zerbait ikasteko, etengabe ikasten ari zara. Zuretako hain gustukoa izan den lana lagatzen duzun honetan, umeen falta nabaritutako duzu, ezta?

*“Orain, erretiratuta, orain arte egiterik izan ez ditudan gustuko gauzak egingo ditut”*

Bada, bai; baina bueno, etxean badaukagu neska txiki bat, nire biloba, eta gustura egongo naiz harekin ere. Eta bestetik, gustuko ditudan eta orain arte egiterik izan ez ditudan gauzak ere egingo ditut; senarra ere erretiratuta dago eta bidaiatzea gustatzen zaigu.



Lorategian kalteak egin dituzte

Aurreko asteko eguen gauean, plazako lorategiko hainbat lore eta landare apurtu zituzten ezezagun batzuek. Herritar batek eman zigun horren berri egubakoitz goizean; goizean etxetik irten eta lorategiaren inguru guztiak apurtutako lorez beteta topatu zituen: “Ez dut ulertzen zergatik egiten dituzten horrelakoak; zer traba egiten diete, bada, lorek?”, zioen herritar horrek. Bestetik, Herri Ikastetxeko jolastokia ere poliespaneaz zikin-zikin eginda azaldu zen egun hartan bertan./A.I.

LABUR

Arrolak mendi bizikleta irteera antolatu du Leitzarango bailarara irailaren 22rako

Egun osorako irteera antolatu du Arrolak irailaren 22rako. Leitzaranoera joango dira, eta trenbide zaharretik mendi bizikletaz egingo dute ibilaldia. Martitzenean, 19:00etatik 20:00etara, eman beharko da izena Arrola elkartearen egoitzan, Kalebarrenean.

Oraindik ez dira hasi azoka frontoi aurrean egiten, baina irailean bertan hasiko dira

Aurreko asteko KONTUOLAn azoka frontoi aurrean egiten hasiko zirela esan genizuen arren, oraindik ez dute aldaketa hori egingo. Saltzaileen kokapena erabakitzeak irizpideak zehazteke dituzte oraindik, baina irailean bertan aldatuko dute tokiz azoka.

Gaztelugain elkarteak irailaren 21ean ospatuko du hogeita bosgarren urtemuga

Martxoan bete ziren 25 urte Gaztelugain elkartearen sortu zutenetik. Urteurren hori ospatzeko, hainbat ekitaldi antolatu dituzte irailaren 21erako. Eguerdian salda eta txorizoa banatuko diete elkarrekoek Gaztelugainera joaten diren herritar guztiei. Horren ondoren, bazkaria izango dute bazkideek, baita erromeria ere. Azkenik, 25 urte hauetako hainbat argazki jarriko dituzte ikusgai.

**EGAÑA**  
Era guztietako arotz lanak  
Tarima eta parketa jartzea  
Zoruen kutxilatu eta barnizatuak  
Kalegori 21, ANTZUOLA Tel.: 943 76 64 23

**LARREA**  
TABERNA  
Kalebarren 17  
ANTZUOLA

*Juan Cruz*  
ARGAZKIAK  
EOS 3000  
28-80 zooma  
  
**OPARIA** Uztailean, abuztuan eta irailean errebelatutako erroiloen artean zozketatuko da  
Herriko plaza 4. Tel. 943 78 70 66. ANTZUOLA